

**Nassaanik piginnittussaaneq pillugu inatsisip allannortinnerata atuutilernissaanut
Aaqqiissut (UPA2010/106) aamma
Nioqqutissanik nalunaaqutsiisarneq pillugu inatsisip allannortinnerata
atuutilernissaanut Aaqqiissut (UPA2010/107) aamma
(Atisanik) ilusilersuisarneq pillugu inatsisip atuutilernissaanut Aaqqiissut
(UPA2010/108) aamma
Atuinermi najoqqutassat pillugit inatsisip atuutilernissaanut Aaqqiissut (UPA2010109)**

**pillugit Namminersorlutik Oqartussat oqaaseqaatissaannut Inatsisartut
aalajangiiffigisassaattut siunnersuutit**

pillugit

Inuussutissarsiornermut Ataatsimiititaliap

ISUMALIUTISSIISSUTAA

Siunnersuutip aappassaneerpeqarnerani saqqummiunneqartoq

Inuussutissarsiornermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Aqqaluaq B. Egede Inuit Ataqtigiit, siulittaasoq
Inatsisartunut ilaasortaq Niels Thomsen., Demokraatit, siulittaasup tullia
Inatsisartunut ilaasortaq Siverth K. Heilmann Atassut
Inatsisartunut ilaasortaq Naaja Nathanielsen, Inuit Ataqtigiit
Inatsisartunut ilaasortaq Per Berthelsen, Siumut

UPA2010-mi siullermeerinerup kingorna ataatsimiititaliap siunnersuutit misissorpai.

**1. Inatsisartut tigussaasuunngitsunik piginnittussaataitanermut inatsisunik
siullermeerinerat**

Peqqussutissat sisamat tigussaasuunngitsut pillugit apeqqutininik inatsisitigut
maleruagassiuunneqarnerannik imaqarput Inatsisartuni partiit tamarmik taperseraat
Inuussutissarsiornermut Ataatsimiititaliap oqaatigisavaa.

2. Siunnersuutip imarisai siunertarisaalu (UPA2010/106)

Qinnuteqartup isumassarsiaminik tunisassiornermi atorneqarsinnaasumik imaluunniit allatut
niuernerpalaartumik atorneqarsinnaasumik nioqqusiap nutaatut illersorneqarneranik
pisinnaatitaanera nioqqusiamik nutaamik illersuineranut inatsisikkut maleruagassiorneqarpoq.
Inuit isumassarsisut isumassarsiaminnik piginnittussaanerisa illersorneqarnissaanik
qulakkeerinnissaq inatsisikkut siunertarineqarpoq. Nioqqusiap nutaatut illersorneqarneranik
tunniussinissamut atuutsitsiffiunngitsunik arlalinnik inatsisissatut siunnersuut imaqarpoq.
Tamatumani pineqarput isumassarsiat torersuunissamut nalinginnaasumillu
ileqqorissaarnissamut akerliusut, tassunga ilanngullugu inunnik klonerineq. Aammattaaq
naasut arlaannut imaluunniit uumasogatigiit arlaannut nioqqusiap nutaatut
illersorneqarnissaanik nalunaaruteqartoqarsinnaanngilaq. Nioqqusiamik nutaamik

illersuinnermut inatsit Kalaallit Nunaannut atuuppoq, tak. inatsit nr. 479, 20. december 1967-meersoq, inatsisikkut nr. 221-ikkut, 24. april 1974-imeersukkut, inatsisikkut nr. 264-ikkut, 8. juni 1978-imeersukkut kiisalu inatsisikkut nr. 153-ikkut, 11. april 1984-imeersukkut allannguuteqartinneqartoq. Nioqqusiamik nutaamik illersuinnermut inatsisip kingusinnerusukkut allannguutai Kalaallit Nunaannut atortussanngortinneqarsimangillat.

2.1 Siunnersuutip imarisai siunertarisaalu (UPA2010/107)

Nioqqutissiap ilisarnaataanik piginnittussaataagaanni ilisarnaatip assinganik imaluunniit ilisarnaammik paarlaanneqarsinnaasumik inuussutissarsiornikkut allat atuisinnaanerit inerteqqutigineqarsinnaatitaavoq. Tunisassianut sullississutinulluunniit ilisarnaammik nalunaarsorneqarsimasunut ilisarnaalluunniit atorlugu atulernerqarsimasunut piginnaatitaassut aallaaviatigut taamaallaat atuuppoq. Taama illersugaaneq aamma nioqqutissiap ilusianut, atortorissaarutaanut imaluunniit poortuutaanut aamma atuuppoq. Asiame suliffeqarfiit ilisarnaasarlugu nioqqutissianik, ilisarnaatinik ilusilersukkanillu assiliisartut pillugit Europami Amerikamilu suliffeqarfiit eqqartuussivikkut suliassanngortitsineranni eqqartuussivimmi suliart arlalippassuit tamatumunnga assersuutissaapput. Nioqqutissat ilisarnaataat pillugit inatsit Kalaallit Nunaannut atuuppoq, inatsit nr. 341, 6. juni 1991-imeersoq, peqqussutikkut nr. 856-ikkut, 16. december 1991-imeersukkut Kalaallit Nunaannut atuutinneqalersoq. Nioqqutissat ilisarnaataat pillugit inatsisip kingusinnerusukkut allannguutai Kalaallit Nunaannut atortussanngortinneqarsimangillat.

2.2 Siunnersuutip imarisai siunertarisaalu (UPA2010/108)

Qinnuteqartup tunisassiamik immikkuullarissumik ilusilimmik kusassaatilimmilluunniit nutaamik namminerisaminillu iluseqartumik, taamaalillunilu tunisassianit atortussianilluunniit allanit ilusilersorneqartunit immikkuullarissumik ilusilersugaliortat qinnuteqartup ilusilersukkamat kisermaassisussaataitanermik pisinnaatitaaffeqarnera ilusilersuineq pillugu maleruaqqusatigut maleruagassiorneqarpoq. Ilusilersukkamik piginnittussaaneq inummut imaluunniit peqatigiiffimmut assigisanulluunniit inuttut isigineqarsinnaasumut atatinneqartoq inatsimmi allassimavoq. Kalaallit qangaaniilli ilusilersugaannik, soorlu qaannamik, ulumik imaluunniit kalaallit arnat kalaallisuuannik allat atuisinnaanerit namminnerlu paasinninertik malillugu ilaarsisinnaanerit ilusilersukkat pillugit inatsisikkut inerteqqutigineqanngilaq, tassa ilusilersueqqaartoq piginnittuunerarsinnaasorlu kinaassusersineqarsinnaanngimmat. Kalaallit ullumikkut ilusilersuisartut isumassarsisartullu tilliffigitinnissamut ilaarsineqarnissamullu ilusilersukkat pillugit inatsisikkut illersugaapput. Ilusilersukkap illersorneqarnera sivilunerpaamik ukiuni 25-ni atuussinnaavoq. Ilusilersukkat pillugit inatsit manna tikillugu Kalaallit Nunaannut atuussimangilaq. Taamaattumik allaliussat pillugit inatsit nr. 218, 27. maj 1970-imeersoq, inatsisikkut nr. 854-ikkut, 23. december 1987-imeersukkut allannguuteqartinneqartoq Kalaallit Nunaannut suli atuuppoq. Allaliussat pillugit inatsisip kingusinnerusukkut allannguutai Kalaallit Nunaannut atortussanngortinneqarsimangillat.

2.3 Siunnersuutip imarisai siunertarisaalu (FM2010/109)

Ilisserusiat pillugit inatsit nioqqusiamik nutaamik illersuinnermut inatsimmut tapertaliussatut paasineqarsinnaavoq. Ilisserusiat tassaasinnaapput teknikikkut ajornartoorummut aaqiissutaasinnaasut tunisassiornermi atornerqarsinnaasut. Ilisserusiat nalinginnaasumik tassaasinnaapput sakkussat, atortut kaaviiarfiillu elektroniskiusut. Taamaattumik suliffeqarfiit allallu tunisassiornerminni inerikkiartortitsinerminniluunniit tunisassiamik

aalajangersimasumik piareersaanermi atorneqartartunik allanilluunniit ilisserusiorpata taakku inatsimmit illersorneqarput. Nioqqusiamik nutaamik illersuinermit inatsimmi nalinginnaasumik piumasaqaataavoq nassaaq nutaajussasoq. Piumasaqaat tamanna ilisserusiat pillugit inatsimmi taama sakkortutiginnilaq. Taamaattorli ilisserusiat pillugit inatsimmi aalajangersakkat malillugit nassaaq nutaajussaaq. Nioqqusiamik nutaamik illersuinermit inatsit assigalugu ilisserusiap siunertaa torersuunissamut nalinginnaasumillu ileqqorissaarnissamut akerliusut nalilerneqarpat kisermaassisussaatisisoqarneq ajorpoq. Aammattaaq naasut arlaannut imaluunniit uumasogatigiit arlaannut ilisserusiat akuerineqarneq ajorput. Suliassaqarfimmi tamatumani Kalaallit Nunaanni inatsisitigut siusinnerusukkat maleruagassiaqanngilaq.

3. Ataatsimiititaliap peqqussutinik sularinninnera

Peqqussutinik siuliani taaneqartunik Kalaallit Nunaata akuersineratigut inatsisit nutarterneqartut ataatsimiititaliaq isumaqarpoq, taamaalilluni inuiaqatigiinni kalaallini innuttaasut suliffeqarfiillu isumassarsiaat, ilusilersugaat imaluunniit ilisserusiaat nunani tamalaani pitsaannerusumik illersorneqarsinnaalissasut ataatsimiititaliaq naliliivoq. Tunisassianik ilaarsinerit ilusilersukkanillu tillinnerit nunarsuarmi ajornartorsiutaasut ilisimaneqarpoq. Nunarsuarmioqataaleriartornerup kingunerisai Kalaallit Nunaanni sunniukkaluttuinnarmata nunarsuarmioqataaleraluttuinnarnerup kingunerisaasa pitsaanninnerusut akiornissaannut Kalaallit Nunaata pisariaqartunik sakkussaqarnissaanut inatsisit peqataaqataasinnaasutut ataatsimiititaliamit isigineqarput. Taamatuttaaq isumassarsianik, ilusilersukkanik ilisserusianilluunniit Kalaallit Nunaata avataani ineriartortinneqarsimasunik nunatsinni suliffeqarfiit siunissami ilaarsinnaajunnaartut naatsorsuutigineqartariaqarpoq. Innuttaasut suliffeqarfiillu inatsisit imaannik ilisimasaqaleqqullugit inatsisit akuersissutigineqarnerisa kingorna suliniutinik aallartitseqqullugit Naalakkersuisut ataatsimiititaliamit naggasiullugu kaammattorneqassapput.

Najukkani soqutigisaqartunit tusarniaanermut akissutit Naalakkersuisut peqqissaartumik misissorsimagaat aammalu siunnersuutit saqqummiutinnginnerini taakku nangaassutigisimasinnaasaat pisariaqarneratut Naalagaaffimmut nalunaarutigisimagaat ataatsimiititaliap naatsorsuutigaa.

4. Siunnersuutit aningaasaqarnikkut kingunerisassa

Siunnersuutit Kalaallit Nunaanni inuussutissarsiutinik ingerlataqartunut inuiaqatigiinnullu aningaasaqarnikkut kinguneqassanersut ataatsimiititaliap isumaliutigaa.

Inatsisit atuutilernerat Kalaallit Nunaannut aningaasaqarnikkut sunniuteqarnerlussinnaanerat Naalakkersuisut saqqummiussissummini erseqqissaatiginngimmassuk taamaattoqassanngitsoq ataatsimiititaliamit ilimagineqarpoq.

Innuttaasunik paasisitsiniaanermik aallartitseqqullugit Naalakkersuisut ataatsimiititaliamit naggasiullugu kaammattorneqassapput. Tamanna soorunami allaffissornikkut sulisussanik pisariaqartitsissaaq. Tamatumani AC-fuldmægtigit ukioq naallugu atorfiup pingajorarterutaata missaa pisariaqartinneqassasoq ataatsimiititaliamit naatsorsuutigineqarpoq. Tamatuma saniatigut nutserisut pisariaqartinneqassapput kiisalu naqiterisitsinermut siammartiterinermullu aningaasartuuteqartoqassalluni. Ataatsimut isigalugu tamatuma ½ mio. kr.-it tikillugit akeqarnissaa naatsorsuutigineqarpoq.

Aningaasartuutit taakku Naalakkersuisoqarfimmut susassaqtumut aningaasatigut atugassiissutaareersut iluini aningaasartuutaasariaqassapput, taamaattumillu suliniutaasinnaasut allat tunulliunneqartariaqartassallutik.

5. Ataatsimiititaliap inassuteqaataa

Aalangiiffigisassatut siunnersuutit akuerineqassasut ataatsimiititaliamit isumaqatigiittumit inassutigineqarpoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuutit aappasaaniigassanngortippai.

Aqqaluaq Egede,
Siulittaasoq

Niels Thomsen
Siulittaasup tullia

Naaja Nathanielsen

Siverth K. Heilmann

Per Berthelsen